



UNIVERSITÄTS-
BIBLIOTHEK
PADERBORN

De Vita Et Rebus Gestis Christophori Bernardi Episcopi Et Principis Monasteriensis Decas

Alpen, Johann von

Coesfeldiae, 1694

75. Finis obsidionis. Numerus sanciorum & cæsorum, Cura Principis.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

lem eiecit Senatum, patriam extulit Nobilitatem; Ordinem verò Civicum depressit, paucorum infaniâ, luctu plurimorum.

Hunc denique finem habuit octo mensium ac totidem dierum obsidio; in qua ex bis mille tormentorum ictibus quinque tantum prostrati. Nam equi novem, qui vel ita pariter rupti sunt, historiam non merentur, hominum duntaxat, non jumentorum fatis dicatam. Inter velitandum è primoribus tres, gregarij verò tum equites, tum pedites viginti cecidère. Et quanquam solito mitior ac nimboſa fuerit hyems, madensque inter lubrica passim æther, ea tamen fuit DEI benignitas & medentium cura, ut supra triginta non extinxerit valetudo. Cæteri suis clausi tuguriis firmare se noverant contra aeris injurias. Et ne quid deesset, supremam commeatûs curam Princeps habuit. Panis, cerevisia, avena, stramen quotidianæ necessitati abundè suppeditata. Viciniores pagi certo numero ligna advehebant coquinæ, fornacibus, clibanisque instruendis centuriatim distributa. Prædium *Zeldthauß* / quod *Osthoviorum* est, penuario destinatum. Ex eo Joannes *Wettendorffius* Camerae Secretarius, vir integer ac diligens, ceu annonæ Curator, demensum quotidie diribebat. Ita prohibitus miles, ne specie conquirendi alimenta Dicecesi molestus esset. Nec enim minùs sollicitè providit

75.

*Finis
obsidio-
nis.**Nume-
rus san-
ctorum
& caso-
rum.**Cura
Princi-
pis.*

1661.

Princeps, ut circumvallatione duplici. tam stipendiarios à pernicioso excursu, quam Civitatem aut hostem quemcunque ab aggressionem stativorum contineret. Sanè plures demirati sunt, qui Collectores exactorum per Diocesim, per Castra, per agrum viderunt palam asportare pecunias, nec unquam passos vel unius bestis jacturam.

76.
Observationes
curiosa.

Observatum est à curiosis, quâ tempestate *Leidanus*, *Knipperdollingus* & *Wolfransdorffis* fratres, Civitatem oppugnantes, Eorum nunc Abnepotes, hac in oblidione, pari quoque numero, avitarum fuisse virtutum æmulatores. E *Nageliorum* quidem gente *Theodorum Hermannum* Chiliarchum, Satrapam *Strombergæ*, ac *Martianum* equitatus Palatino-Neoburgici Præfectum. Ex *Wolfransdorffis* verò *Henricum Mauritium* Equitem Melitensem, *Cæsarearum* Tribunum, ejusque Germanum *Henricum Reinerum* Eiusdem Legionis Instructorum, supremum vocant Vigiliarum Magistrum. Qui in hoc Monasteriensis theatro

Laus
militum.

Principis causam, eodem Zelo æmulati, non raro generositatis suæ specimen probaverunt. Sed & *Cæsareanus* Equitum Chiliarcha *Fabri*, quod in gloriam gentis *Leodiensis* hauriri debet, non pauca etiam suæ reliquæ virtutis monumenta.

Ad